

**Қазақстан Республикасы мен Қырғыз Республикасы Үкіметтерінің арасындағы
Нарын-Сырдария су қоймалары каскадының су-энергетика ресурстарын кешенді
пайдалану жөніндегі келісімді іске асыру туралы**

Қазақстан Республикасы Үкіметінің Қаулысы 1999 жылғы 1 шілде N 912

Қазақстан Республикасы мен Қырғыз Республикасы Үкіметтерінің арасындағы
Нарын-Сырдария су қоймалары каскадының су-энергетика ресурстарын кешенді
пайдалану жөніндегі келісімді іске асыру мақсатында Қазақстан Республикасының
Үкіметі қаулы етеді:

1. Қазақстан Республикасының Табиғи монополиларды реттеу және бәсекелестікті қорғау жөніндегі агенттігі Қазақстан Республикасының Энергетика, индустрия және сауда министрлігімен бірлесіп 1999 жылғы вегетациялық кезеңде электрмен жабдықтаудың көзін ауыстырған кезде "Ертіс-Қарағанды каналы" республикалық мемлекеттік кәсіпорны үшін үстіміздегі жылдың 1 шілдесіндегі жағдай бойынша "KEGOC" акционерлік қоғамының электр желілері бойынша электр энергиясын тасымалдауға қолданылып жүрген тарифті сақтау туралы мәселені шешсін.

1-1. Қазақстан Республикасы мен Қырғыз Республикасы үкіметтерінің арасындағы Нарын-Сырдария су қоймалары каскадтарының су-энергетика ресурстарын кешенді пайдалану жөніндегі келісімге сәйкес электр энергиясы мен көмірді беруге келісім-шарт жасасқан Қазақстан Республикасының шаруашылық жүргізу субъектілері үшін 1999 жылдың 1 шілдесінен 31 тамызына дейін:

Қазақстан Республикасының Қырғыз Республикасынан Бішкек қаласының жылу-электр орталықтарына қарағанды көмірін тасымалдаудың темір жол тарифтеріне;

"KEGOC" ААҚ-ы жүйелері бойынша қырғыз электр энергиясын тасымалдау тарифтеріне 50 % көлемде жеңілдік белгіленсін.<*>

ЕСКЕРТУ. Жаңа 1-1-тармақпен толықтырылды - ҚР Үкіметінің 1999.07.14. N 972 қаулысымен.

2. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі